

Payí Jono xámi eañinarini.

Payí rina Jisasoyá siyikí imónigiáyí náni Jono xámi eañinarini. O Jisaso wiepisagowa worini. Jisaso rixa añinami nipeyimáná xwiogwí aga obaxí niṗwémáná eñáná Jono niṗweañisáná rixa xweyañí neri añí yoí Epesasiyo niṗweámáná payí rina eañinigini. Ayí Gorixomi diñí sixí uyarigiápa xixe diñí sixí yiníñrixiniri niriri eari mimóní uréwapiyarigiáyí rarigiápi aría miwipa éñrixiniri niriri eari eñinigini. Mimóní uréwapiyarigiáyí re rarigiápi náni, “Wará nene iniwápi sipí iniwagwi náni Jisaso xwíayo nemeríná nepa áma mimónagírini.” rarigiápi náni niñjá nimóniri “Jisaso nepa áma nimónimáná emeagírini.” uréwapiyiminiri eni niriri eañinigini.

Diñí niyimiñí imóniñípi ámayo umímoariño nánirini.

1 ¹Iwamíó xwíarí tñi aña tñi imixiniñíná eño náni —Omi aría wirane negí siñwí tí tñi winirane siñwí winaxídirane wé tñi íá xirirane eñwáorini. Xwiyíá diñí niyimiñí imóniñípi náni neaíwapiyiyorini. ²Diñí niyimiñí imóniñwápi náni sixí neamímoariñorini. Xegí símimanñí siwá neainíagi siñwí winiñwá eñagi náni neaímeanñí míkone diñí niyimiñípi náni míki ikiño náni —O eñíná dání íníná ápo Gorixo tñi nawíni ṗweagíío xegí símimanñí siwá neainiyorini. O náni xwiyíápi sopiñíniñí niworane wáí searariñwini. ³Seyiné tñi aga nawíni xiriniñwaéne imónirane diñí axípiñi nawíni xirirane yaníwá náni siñwí winirane aría wirane eñwáo náni wáí searariñwini. None aga diñí ná bini nimónirane xiriniñwáwáu, ayí ápo Gorixo tñi xewaxo Jisasi Kiraiso tñi awáu eñagíí náni searariñwini. ⁴Diñí niíá nineainiríná bi onímiápi míneainí aga seáyí e neaininía náni ríwamiñí ripí neari seaiapowárariñini.

“Wíá ókíniṗe eméñrixini.” uriñí nánirini.

⁵Xwiyíá Jisaso yañí neaiapowáríagi aría wiñwá wáí searariñwápi, ayí ripírini. Gorixo wíániñí imóniyorini. Onímiápi bi aí sía miyikíniñorini. ⁶Ayináni nene “O tñi nawíni xiriniñwaénerini.” niñirirane aí mañí niwíalíkirane sía yikíniṗe nemeranéñáyí, yañí rariñwini. Nepaxiñí imóniñípi wí miyariñwini. ⁷E neri aí nene uyíniñí bi mé wíá ókíniṗe

xío ŋweaŋpa nene eni wía ókíniŋe nemeranénáyí, xío t́ni nawíni ani xiriniŋwaéne imónirane xío nene naŋí imónaniwá náni ragí xewaxo Jisaso niperíná puŋpimi dáni íwí nípini yariŋwápi náni igíániŋí neaeámori yariŋírini. ⁸Nene “íwí bi miyariŋwaénerini.” niriniranénáyí, newaniŋene yapí éwapínariŋwini. Nepa imóniŋípi bi íá mixirariŋwini. ⁹E neri aí nene xíoyá aría eŋe dáni íwí yariŋwápi náni waropárí niniranénáyí, o diŋí uŋwiráripaxí imóniŋípi t́ni xixeni eri wé róniŋí imóniŋípi t́ni xixeni eri yariŋo eŋagi náni anani íwí yariŋwápi yokwarimí neaiiri uyíniŋí yariŋwápi nípini igíániŋí neaeámori yariŋírini. ¹⁰Nene “íwí bi meŋwárini.” niriniranénáyí, “Ámá ńni íwí yariŋíáriní.” riŋomi yapí rariŋóniŋí wimixaniri yariŋwini. Xwiyíá o neariŋípi bi íá mixirariŋwini.

2 ¹Gí niaíwípiayíné, íwí mepa érixiniri ríwamiŋí ripi seyíné náni eaariŋini. E neri aí wiene íwí nerínáyí, arirá neaiariŋo ápo Gorixo t́ŋí e nirómáná yokwarimí owiiniri neauriyarini. Wé róniŋí o, ayí Jisasi Kiraiso náni rariŋini. ²O xewaniŋo niperíná ridiyowániŋí niniri xano Gorixomi niwipemixiri náni negí íwí yariŋwápi yokwarimí neaiinía náni imóniŋorini. Íwí nene yariŋwápi maríái, íwí ámá xwíá rirí nirímíni ami gimi ŋweagiáyí yariŋíápi náni eni niwipemixiri náni yokwarimí wiinía náni imóniŋorini.

Ámá Gorixo t́ni ikárinigiáyí epaxípi nánirini.

³Nene xío sekaxí neariŋípimi nixídiranénáyí, woni woni diŋí re yaiwinipaxenerini, “Nioni o náni nepa nijíá nimóniri o t́ni nawíni ikárinigiáyí woniríani?” yaiwinipaxenerini. ⁴Ámá wo “Nioni o náni nijíá nimóniri o t́ni nawíni ikárinigiáonirini.” niriniri aí sekaxí neariŋípi xixeni miyariŋo eŋánáyí, yapí rariŋírini. Nepa imóniŋí Gorixo neariŋípi íá xirariŋímani. ⁵E neri aí xwiyíá Gorixo neariŋípi go go nixídirínáyí, omi úrapí neri diŋí sixí muyí aga xixeni pírániŋí diŋí sixí uyini. Nene api neranéná “Gorixo t́ni nawíni ikárinigiwaéneríani?” yaiwinaníwini.

⁶Ámá wo “Nioni Jisaso t́ni nawíni kumixiniŋwíí wonirini.” nirinirínáyí, Jisaso xwíá tíyo nemeríná xano wimóniŋípi nípini yáriŋípa axípi éwinigini. ⁷Gí diŋí sixí seayináyíné, “O sekaxí siŋí bi niriri ríwamiŋí eaarini.” miyaiwipani. Iwamió imóniŋíná dáni sekaxí Jisaso riŋí seyíné nijíá imónigiápi —Api xwiyíá seyíné aría wigíápirini. Api náni niriri eaariŋini. ⁸E niseariri aí síá yiniŋípi rixa nideaxa nuri wía ónariŋípa Jisaso xewaniŋo neaiwapiyiŋípi rixa ónariŋagi náni nioni “Sekaxí Jisaso riŋípi siŋí imónini.” searipaxírini. Xámi xewaniŋoyá sekaxípimi nixídiri yariŋagi winirane agwi seyíné nixídiro yariŋagiá seanirane nerane náni “Xwiyíá api nepaxiŋí imóniŋípiríani?” yaiwariŋwini.

⁹Ámá wo “Nioni Jisaso neaiwapiyiŋípi nixídiri wía ókiŋe emeariŋá wonirini.” niriniri aí xexirímeáyo símí t́ni niwirínáyí, sini síá

yiniñímniñí ñweani. ¹⁰ Ámá Jisaso neaíwapiyiñípi tñi xixeni neri xexirímeáyo ñíñí sixí uyariñí go go, ayí wía ókiñe niñweari nání xexirímeáyí óreámioapaxí wí wíwapiyariñímani. ¹¹ E neri aí xexirímeáyo símí tñi wiariñí go go, ayí síá yiniñéniñí imóniñe ñweari añí emeri neríná xegí siñwíyo síá uyiniñagi nání xío gimi nání waríñe majíá imóniñorini.

“Ayí ripi nání niseariri ríwamiñí eaariñini.” uriní nánirini.

¹² Niaíwípiayíne, Jisasi Kiraiso neaiñípiimi dáni segí íwí yariñípi Gorixo rixa yokwarimí seaiñí eñagi nání apiayíne nání niriri ríwamiñí eaariñini. ¹³ Ámináoyíne, soyíne iwamíó imóniñiná eño tñi nawíni ikáriniro niñíá imóniro eñagía nání soyíne nání niriri ríwamiñí eaariñini. Ámá siwaríá rigíoyíne, soyíne sipí imóniñomi —Ayí oboyi riniño nání rariñini. Omi rixa xopirárí wíá eñagi nání nioni soyíne nání niriri ríwamiñí eaariñini. Niaíwíyíne, seyíne ápo Gorixo tñi nawíni ikáriniro niñíá imóniro eñagía nání seyíne nání niriri ríwamiñí eaariñini. ¹⁴ Ámináoyíne, soyíne iwamíó imóniñiná eño tñi nawíni ikáriniro niñíá imóniro eñagía nání soyíne nání niriri ríwamiñí eaariñini. Ámá siwaríá rigíoyíne, soyíne Jisasomi nuxídiróná eñí sixí eániro xwiyíá Gorixoyápi aumaúmí iniro sipí imóniñomi xopirárí wiro egíá eñagi nání soyíne nání niriri ríwamiñí eaariñini.

¹⁵ Seyíne amipí sipí xwíá tíyo ñáñí yariñípiimi ñíñí sixí muyipa ero amipí nñi xwíá tíyo weñíyo ñíñí sixí muyipa ero érixini. Amipí xwíá tíyo ñáñí yariñípiimi go go ñíñí sixí nuyirínáyí, ápo Gorixomi ñíñí sixí muyinini. ¹⁶ Ayí ripi nání searariñini. Amipí xwíá tíyo ñáñí yariñípi íwí nání feapá winariñípirani, siñwí íwí winariñípirani, “Amipí xwé tíñáoniríani?” niyaiwiniri seáyi e menariñípirani, api nipini ápo Gorixoyá ñíñíyo dáni yariñíámani. Sipí xwíá tíyo ñáñí imóniñí yariñí eñagi nání searariñini. ¹⁷ Amipí sipí xwíá tíyo ñáñí yariñípi anipá nimóga uri feapá níwiniri “Api nioniyá eñáná ananirini.” yaiwariñípi api eni anipá nimóga uri eníá eñagi aiwi ámá Gorixo “E érixini.” yaiwariñípiimi xídarigíáyí anipá wí mimóní aniñí íníná ñweapíríá eñagi nání amipí xwíá tíyo eñípiimi ñíñí sixí muyipa érixini.

Ámá Kiraisomi xopirárí wianiro yariñíyí yapí wíwapiyírixiniri uriní nánirini.

¹⁸ Gí niaíwíyíne, síá yoparíyí imóniníná rixa rínáriní. Eñíná dáni aríá re wiñwápi tñi xixeni “Ámá Kiraisomi xopirárí wimíniri yariño rixa nibiníáriní.” aríá e wiñwápi tñi xixeni agwi ríná ámá Kiraisomi xopirárí wianiro yariñíyí rixa nimóniro ñweañoi. Ayí rixa nimóniro yariñagía siñwí níwinirane nání “Síá yoparíyí imóniníná rixa rínáriní?” yaiwiñwini. ¹⁹ Ámá ayí xámi none tñi nawíni nerímeánayirane aí nepa

none tñni nawíni mimónipa nero nání pñni nineawiárimí ugiáyirini. Ayí nepa none tñni kumixiniñwáyí nimóniro siñwiriyí, none tñni anani ñweaaníro egiárimí. E neri aí “Ayí negí imónigiáyí wí menini.” yaiwiani nání pñni nineawiárimí ugiárimí. ²⁰Seyíné ayíniñí imónigiá wiyínemani. Gorixoyá kwíyípi rixa seaáiniñíyíné eñagiá nání xwiyá nepaxiñí imóniñípi nání seyíné rixa niñíárimí. ²¹“Nene sini majía imóniñagwi nání ríwamiñí ripi neari mónaparini.” riseaimónarini? Oweoi, seyíné rixa niñíá nimóniro “Xwiyá nepaxiñí imóniñípi íá nixiririñípimi dání wí yapí ripaxí menini.” niñíá e eni imóniñagiá nání ríwamiñí ripi eaariñini. ²²Xwiyá yapí rariño, ayí gorini? Amipí wí nání rariño maríái, sa “Ámá yeáyí neayimixemeanía nání Gorixoyá diñí tñni aríowayá xwía piaxíyo dání iwaroníoyi rariñwáo Jisasomani.” rariño, ayí oríni. Kiraisomi xopírárí wiminiri yariñorini. Xanomi tñni xewaxomi tñni niwaúmini ríwí umororini. ²³Ámá giyí giyí xewaxomi ríwí numorínáyí, ayí xanomi eni ríwí umoariñoi. Giyí giyí xewaxo nání “Yeáyí neayimixemeanía nání urowárenapiñoríani?” niyaiwiro numíminirínáyí, ayí xanomi eni umíminariñoi. ²⁴Seyíné xwiyá Jisaso nání iwamífo dání aría wigíápi pñni miwiáripa nero diñí íá xirírixini. Aga xixeni e nerónáyí, xewaxo tñni nawíni imóniro xano tñni eni nawíni imóniro epíríárimí. ²⁵Xewaniño mimáyo dání neariñípi, ayí ripirini, “Seyíné e nerónáyí, diñí niyimiñí tgiáyíyíné imónipíríárimí.” neariñípirini. ²⁶Payí rinami xámi eáápi ámá xwiyá Jisaso nání riniñípi yapí seañwapiyaníro yariñíyí nání niriri eáárimí. ²⁷Seyíné ayíniñí imónigiá wiyínemani. Kwíyí Gorixoyá seaáiniñípi ríániñí mimóní sini aí tñni eñagiá nání ámá wí searéwapiyipaxíyínemani. E niseariri aí kwíyí seaáiniñípi amipí nñni Kiraiso nání diñí mopaxí imóniñípi nání niseainiríná yapí bi mimóní nepaxiñí imóniñípini seainariñí eñagi nání agwi xegípi niseaiga uri xámi niseaiga uri eñípi tñni xixeni nero Kiraisomi xaíwí íá uxirírixini.

“Ámá Gorixoyá imónigiáyí íwí néra warigiámáni.” uriñí nánirini.

²⁸Gí niaíwípiayíné, o siñáni nimóniri weapaná peayí nineauniri wará saríwá mimárimí newiárimónirane éi roaníwá nání omi xaíwí íá uxirírixini. ²⁹Seyíné “Gorixo wé róniñorini.” niyaiwiro niñíá imóniñagiá nání ripi eni aga niñíá imónipaxíyínérini, “Wé róniñí yariñíyí giyí giyí, ayí Gorixo o xegí emeaníyirini.” Niñíá e eni imónipaxíyínéxini.

3 ¹Ai ámá tíyíné ripi nání diñí omoaneyi. Apo Gorixo bi onimiápi maríái, diñí ayá wí sixí nineayiri nání “Gí niaíwíyínérini.” neararini. Xíó nearariñípi nepa e imóniñagwi nání neararini. Ayí ripi nání ámá xwía tíyo dáníyí nene Gorixoyá niaíwene eñagwi nání mí míneaómixiñoi. Ayí xíó tñni nawíni nikárimíro niñíá mimónigiáyí eñagiá nání mí míneaómixiñoi. ²Gí diñí sixí seañíyíyíné, ayí mí míneaómixíagá aiwi nene xíoyá niaíwí imóniñwaénerini. Ríwéná arire imónaníwápi

sini wía mineaókiamóniŋagi aiwi niŋjá re imóniŋwini, “Kiraiso siŋáni nineaimóniri weapána xío imóniŋpa nene eni axípi imónaníwáriní.” Niŋjá e imóniŋwini. Xío imóniŋpi íná dáni aga xixeni siŋwí winaníwá eŋagi náni rariŋini. ³Ámá Kiraiso neaiménapaná xío imóniŋpi oimónaneyiniri weníŋi neri ŋweaarigiá ayí ayí níni rípi yarigiárini. Xewaníŋo awiaxí imóniŋpa axípi oimónaneyiniro wigí xwioxíyo igfániŋi neámori naní imixinarigiárini. ⁴Ámá íwí néra warigiá ayí ayí níni Gorixoyá sekaxí riniŋpi xóróri yarigiárini. Íwí ámá néra warigiápi, ayí pípi maríái, sa Gorixoyá sekaxí riniŋpimi xóróri yarigiápirini. ⁵Ripi náni seyíne niŋjá imóniŋoi. Kiraiso —O íwí bi meŋorini. O íwí nene yariŋwápi yokwarimí neaiminiri náni xwíá tíyo nene tíŋi e biŋinigini. ⁶Ayináni ámá Jisaso tíni kumixinigiáyí íwí néra warigiámani. E neri aí ámá íwí néra warigiáyí “Jisaso Gorixomi xewaxoríani?” niyaiwiro nepa xío tíni nawíni kumixinarigiámani. ⁷Gí niaíwípiayíne, ámá yapí rariŋíayí xe nibiro yapí oneaíwapiyípoyiniri siŋwí miwinipa éfrixini. Ámá wé róniŋi imóniŋpi néra warigiáyí Kiraiso wé róniŋi imóniŋpa axípi imónigiáyíriní. ⁸E neri aí ámá íwí yarigiáyí oboyáyíriní. Eŋíná íwí iwamíó néra biŋo, ayí obo eŋagi náni oyá imónigiáyíriní. Gorixomi xewaxo rípi eminiri náni biŋinigini. Obo íwí aríki neri ámáyí eni axípi éfrixiniri wíwapiyariŋpi píri urakíminiri náni biŋinigini. ⁹Ayináni ámá Gorixo xegí timeaŋíyíniŋi nimónirínáyí, oyá diŋpi íkíki wiŋagi náni íwí néra warigiámani. Ayí Gorixo xegí timeaŋíyíniŋi imóniŋagiá náni aga íwí néra upaxí mimóniŋoi. ¹⁰Ripimi dáni anani ámá mí niwómixiro “Tiyí niaíwí Gorixoyáriní? Tiyí oboyáriní?” yaiwipaxíriní. Ámá siwí wé róniŋi imóniŋpi miyaríŋagiá niwiniríná “Ayí Gorixo timeaŋíyíniŋi imónigiáyí wímani.” yaiwipaxíriní. Ámá xexirímeáyo diŋi sixí muyaríŋagiá niwiniríná eni “Ayí Gorixoyá imónigiáyí wímani.” yaiwipaxíriní.

Xexirímeáyo diŋi sixí nuyiríná epaxípi nánirini.

¹¹Iwamíó imóniŋíná dáni xwiýá Jisaso yaŋi neaiapiŋi none searéwapiyaríná aría neaigiápi, ayí ripirini, “Xexíxexirímeáyíne xixe diŋi sixí yinírixini.” Aría neaigiápi, ayí apirini. ¹²Api nixídiranéna Keno —O sipi imóniŋoyáorini. Xegí xogwáomi pikíxwiríó eŋorini. O eŋpa axípi mepa oyaneyi. “Xogwáomi ayí náni ría pikiniginini?” yaiwiarigiápi pípirini? Xío xegí yariŋpi sipi imóniri xogwáo yariŋpi wé róniŋi imóniri eŋagi náni sími tíni niwiri pikiniginini. ¹³Ayináni gí nixirímeáyíne, seyíne eni ámá Gorixoyá mimónigiáyí sími tíni seaiaríŋagiá niwinirónáyí, udufí mepani. ¹⁴Nene negí nixirímeáyo diŋi sixí nuyirane náni niŋjá re imóniŋwini, “Óí ámá aníniŋíría náni imóniŋíyimi píni niwíarimi óí diŋi niyimiŋi imóniŋíría náni imóniŋíyimi nixídirane yariŋwini.” Niŋjá e imóniŋwini. E neri aí ámá xexirímeáyo diŋi sixí muyarigiáyí, ayí diŋi

niyimiñi tígíá mimóni sini ói anñipíría nání imóniñyimi xídarinjoí. ¹⁵ Ámá xexirímeáyo sími tñi wiarinagía niwinirónáyí, “Ananirini.” riyaiwiarinjoí? Oweoi, nene nijá re imóniñwini, “Ámá pikiarigíá giyí giyí diñi niyimiñi meapíría nání mimóniñoi.” Nijá e imóniñwini. ¹⁶ Pípi nání diñi nimoriñípimi dání “Ámáyo diñi sixí nuyiríná epaxípi, ayí apíríani?” yaiwipaxírini? Sa Jisaso nene yeáyí neayimixemeáminiri nání miñi niwiniríná eñipi nání diñi nimoriñípimi dání nene “Ámáyo diñi sixí nuyiríná o eñipa e epaxíríani?” yaiwiñwini. Ayináni nene eni nirixímeáyo arirá wiani nání miñi niwiniranéná aí “Ayí ananirini.” yaiwíwanigini. ¹⁷ E neri aí ámá amipí mimúróniñi wo xegí xexirímeá wo amipí nání dówi ikeamónariñagi niwiniri aiwi sipíái síá nitiniri amipí bi mini miwipa nerínáyí, o arige neri “Nioni Gorixomi diñi sixí uyiñini.” ripaxírini? ¹⁸ Gí niaíwípiayíné, negí nirixímeá dówi ikeamónariñagi niwiniranéná píneni nurirane “Diñi sipí niarini.” muripa éwanigini. Aga xwioxíyo dání diñi sixí nuyirane arirá wíwanigini.

**“Api neríná Gorixoyá siñwíyo dání wará saríwá
márinipaxímani.” uriñi nánirini.**

¹⁹ Ámáyo aga xwioxíyo dání diñi sixí nuyirínípimi dání re niyaiwiri nijá imóniñwini, “Gorixo, nepaxiñi imóniñoyáyí imóniñwá wieneríani?” niyaiwiri nijá imóniñwini. Ayí ripi nánini diñi nimoranéná Gorixoyá símimañíyo dání anani diñi wía neaónipaxírini. ²⁰ “Ámáyo arirá niwiríná Jisaso tñi xixeni miyariñáonirini.” niyaiwinirane xwiýíá meárinariñwá aí Gorixo nene diñi e yaiwinariñwápimi seáyí e wimóniri amipí níni nání nijá imóniri ejo eñagi nání nene nepa ámáyo diñi sixí uyariñwápi nání nijá eni nimóniri nání xwiýíá mineameárinía eñagi nání nene anani diñi wía neaónipaxírini. ²¹ Gí diñi sixí seayiñáyíné “Ámáyo arirá niwiríná Jisaso tñi xixeni miyariñáonirini.” niyaiwinirane xwiýíá mimeárinipa neranénáyí, Gorixoyá siñwí tñi e wará saríwá mimáriní niyopiýárirí ²² xíomi amipí bi nání yariñi wíáná anani xixeni neaiapariñírini. Ayí ripi nání neaiapariñírini. O sekaxí riñípimi xídirane amipí xío “Éírixini.” wimónariñípimi erane yariñagwi nání neaiapariñírini. ²³ Sekaxí míkí imóniñi Gorixo neariñipi, ayí ripi nání rariñini. Seyíné xegí xewaxo Jisasi Kiraisomi diñi wikwírooro xío sekaxí neariñipi tñi xixeni xixe diñi sixí yiniro éírixini. ²⁴ Ámá Gorixo xegí sekaxí riñípimi xídarigíá giyí giyí, ayí Gorixo tñi nawíni imóniño xío eni ayí tñi nawíni imóniño eñoi. Ayí ripimi dání “Gorixo nene tñi nawíni rimóniñwini?” yaiwiarinwáriní. Gorixo xegí kwíyípi sixí neamímoní eñagi nání “O tñi nawíni ría imóniñwini?” yaiwiarinwáriní.

Kwíyí Gorixoyápimi tñi sipípimi tñi mí ómixariñwápi nánirini.

4 ¹ Gí diñi sixí seayiñáyíné, ámá “Kwíyí tñiñoni eñagi nání rariñini.” rariñi niyoní aría miwipa nero mimóni wía rókiamoarigíá

obaxí xwíá tíyo emeariṅagía náni “Kwíyí apí nepa Gorixo t́ńj́ e dání biṅj́piríani? Gorixo t́ńj́ e dání mibiṅj́piríani?” yaiwiani náni iwamíó imimí wíríxini. ²Iwamíó imimí niwiríná ripi rariṅagía niwiniríná “Kwíyí Gorixoyápi t́ño ría rarini?” yaiwíríxini. Kwíyíyo dání niriríná “Jisasi Kiraiso áamá nimóniri nene t́ámíni biṅj́inigini.” rariṅagía niwiniríná “Kwíyí Gorixo t́ńj́ e dání biṅj́pimi dání ría rarini?” yaiwíríxini. ³E neri aí kwíyí xegí bimí dání niriríná “Jisaso áamá nimóniri nene t́ámíni biṅj́inigini.” miripa yariṅagía niwiniríná “Kwíyí apí Gorixo t́ńj́ e dání biṅj́pimani.” yaiwíríxini. Áamá kwíyí ayo dání rariṅíyí Kiraisomi xopirári wiminiri yariṅo t́ni ani nawíni imónigíyíriní. Eṅíná “O nibiníáriní.” aríá e wigíó agwi ríná rixa nibiri xwíá tíyo yarini. ⁴E neri aí gí niaíwípiayíné, seyíné Gorixoyáyíné eṅagía náni mimóní wíá rókiamoarigíyí yapí seaíwapiyaniro seaíagía aiwi rixa xopirári wigíáriní. Kwíyí seyíné seaáiniṅj́pi obomi — O áamá Gorixomi diṅj́ miwikwíroarigíyí xío t́ni nawíni imónigíoriní. Omi kwíyí seyíné seaáiniṅj́pi seáyi e wimóniṅagi náni ayo xopirári wigíáriní. ⁵“Jisaso nepa áamá nimóniri nene t́ámíni mibiṅj́inigini.” rariṅíyí Gorixomi paimimí wiarigíyí t́ńj́mí dání imónigíyíriní. Ayináni xwiyíá wigí niriríná xwiyíá Gorixomi paimimí wiarigíápimi dání rariṅíá náni wigí imónigíyí ayo aríá wiarigíáriní. ⁶E neri aí none Gorixoyá imóniṅagwi náni áamá o t́ni nawíni ikárinigíyí none aríá neaiarigíáriní. Áamá o t́ni nawíni mikárinigíyí none aríá neaiarigíámani. Ayo dání re yaiwiaríṅwáriní, “Kwíyí nepaxiṅj́ imóniṅyó dání rariṅíyí mí nómixiri ayí tiyíríani? Kwíyí yapí imóniṅj́pimi dání rariṅíyí mí nómixiri ayí tiyíríani?” yaiwiaríṅwáriní.

“Xixe diṅj́ sixí yiniṅríxini.” uriṅj́ nánirini.

⁷Gí diṅj́ sixí seayiṅáyíné, xixe diṅj́ sixí yiniṅwanigini. Ayí ripi náni rariṅj́ni. Áamá wíyo diṅj́ sixí nuyiranéná Gorixo yariṅj́pa axípi yariṅwá eṅagi náni rariṅj́ni. Ayí ripi náni eni “Xixe diṅj́ sixí yiniṅríxini.” rariṅj́ni. Diṅj́ sixí uyarigíá ayí ayí níni Gorixo xegí timeaṅj́yíniṅj́ imóniro o t́ni nawíni níkáriníro níj́á imóniro eṅíyí eṅagía náni rariṅj́ni. ⁸E neri aí amípi o yariṅj́pi xío áamáyo diṅj́ sixí nuyiriṅj́pimi dání yariṅj́ eṅagi náni áamá wigí wíniyo diṅj́ sixí muyipa yariṅíá giyí giyí, ayí Gorixo t́ni nawíni níkáriníro níj́á imónigíyímani. ⁹Gorixo xío ripi neriṅj́pimi dání diṅj́ sixí neayariṅj́pi neaiwapiyiṅj́inigini. O xegí niaíwí siṅj́niṅj́ émiaoṅo neaiiniápmi dání nene diṅj́ niyimiṅj́ imóniṅj́pi meaníwá náni xwíá tíyo wíreṅapiṅj́inigini. ¹⁰Ripi náni diṅj́ nimoranéná “Áamáyo diṅj́ sixí nuyiríná epaxípi, ayí apiríani?” yaiwipaxíriní. Nene Gorixomi diṅj́ sixí nuyirane eṅwápi maríái, sa xewaniṅo nene diṅj́ sixí nineayiri xewaxo negí íwí yariṅwápi yokwarimí neaiinía náni wíreṅapiṅj́pi náni rariṅj́ni. ¹¹Gí diṅj́ sixí seayiṅáyíné, Gorixo nene diṅj́ sixí xwapí ayá wí nineayiri

e neaiñí eñagi náni xexíxexirímeaéne eni xixe ñiñí sixí yiniñwanigini. ¹² Ámá Gorixomi siñwí bi miwinigíá aiwi xexíxexirímeaéne xixe ñiñí sixí niyiranénáyí, Gorixo tñi nawíni imóniñagwi náni xío ámáyo úrapí miwikári píraníñí ñiñí sixí uyaríñípa axípi ñiñí sixí yinaníwini. ¹³ Ripi náni ñiñí nimoranéná “Xío nene tñi imóniri nene xío tñi imónirane eñwini.” yaiwipaxírini. Xegí kwíyípi neaiapíñí eñagi náni ñiñí e yaiwipaxírini. ¹⁴ Ápo Gorixo xegí xewaxo ámá xwíá tño ñweagíá niyoni yeáyí uyimixemeáwiniginiri wírenapáná neámeañí míkone, siñwí winiñwáone xwíyáá ripi searariñwini. ¹⁵ Ámá “Jisaso niaíwí Gorixoyáorini.” rariñíá giyí giyí Gorixo ámá e ríáyí tñi nawíni imóniri ayí xío tñi nawíni imóniro eñoi. ¹⁶ Ayináni nene ñiñí “Gorixo aga ñiñí sixí neayarini.” yaiwiani náni nineaipimóniri niñíá imóniñwini.

Pí pí Gorixo yariñípi sa ñiñí sixí nuyiriñípimi dáni yariñí eñagi náni ámá wigí xexirímeáyo aniñí miní ñiñí sixí uyarigíáyí, ayí Gorixo tñi nawíni imóniro xío eni ayí tñi nawíni imóniro egíáyíriñi. ¹⁷ Nene síá Gorixo ámá niyoni mí ómómiximí eníáyimi wará saríwá mimáriní anani ewiárimónaníwá náni negí nixímeáyo úrapí miwikári píraníñí ñiñí sixí uyiñwanigini. Kiraiso xwíá tño niñwearíná nimóniri eñípa nene eni xwíá tño niñwearanéná axípi nimónirane yariñwá eñagi náni anani e yaníwáriní. ¹⁸ Ámá wigí xexirímeáyo ñiñí sixí nuyiróná Gorixo náni wáyí wí winariñímani. Ñiñí sixí nuyiróná úrapí wí miwikári aga xixeni naníni nuyirónáyí, wáyí bi miwiní sáyí ikárinariñíriñi. Míki ámá Gorixo náni wáyí winariñí, ayí ripi nánirini. “Gorixo nioni gí sipí yariñápi tñi xixeni sipí nikáriníárani?” niyaiwiro náni wáyí winariñíriñi. Wáyí winariñíyí xexirímeáyo sini ñiñí sixí xixeni muyarigíá eñagi náni rariñini. ¹⁹ Gorixo nene xámi ñiñí sixí neayiñí eñagi náni nene eni nixímeáyo ñiñí sixí uyaríñwáriní. ²⁰ Ámá wo “Gorixomi ñiñí sixí uyiñáonirini.” niriniri aí xexirímeáyo símí tñi niwírínáyí, yapí rariñorini. Ayí ripi náni rariñini. Xexirímeáyo siñwí niwiniri aí ñiñí sixí muyipa nerínáyí, o arige neri Gorixo, ámá siñwí miwinigíomi ñiñí sixí uyipaxí imónini? Oweoi. ²¹ Sekaxí o neariñípi, ayí ripirini. Ámá Gorixomi ñiñí sixí uyarigíá giyí giyí, xexirímeáyo eni ñiñí sixí uyírixini.

**“Ñiñí wikwíroarigíáyí xegí timeañíyo ñiñí
sixí uyarigíáriní.” uríñí nánirini.**

5 ¹ Ámá “Nene yeáyí neayimixemeanía náni Gorixoyá ñiñí tñi aríowayá xwíá piaxíyo dáni iwiaroníoyi rariñwáo Jisasoríani?” niyaiwiro ñiñí wikwíroarigíá giyí giyí, ayí niaíwí Gorixo xegí emeañíyíñiñí imónigíáyíriñi. Ámá xano Gorixomi ñiñí sixí uyarigíá giyí giyí xegí emeañíyo eni ñiñí sixí uyarigíáriní. ² Ripi neriñípimi dáni anani ñiñí “Niaíwí Gorixo xegí emeañíñiñí imónigíáyo ñiñí sixí uyaríñwáerneríani?” yaiwinipaxírini. Xíomi ñiñí sixí uyirane xegí sekaxí

neariņipimi xídirane neranénáyí, anani diņí e yaiwinipaxírini. 3-4 Xíomi aga diņí sixí nuyiranéná pípi epaxí maríái, xíoyá sekaxí riniņipimi xídipaxí eņagi náni rariņini. Niaíwí Gorixo xegí emeaniņiņi imónigiáyí siwí sipí xíomi paimimí wiarigiá imóniņipimi xopirári wiarigiá eņagi náni xío sekaxí neariņipi nene nixídiranéná ayí ríá tíņi xídipaxí wí mimóniņipirini. Ripini neríná siwí sipí Gorixomi paimimí wiarigiá imóniņipimi xopirári wiarinwárini. Jisasomi diņí niwikwíroriņiyo dáni api yariņwárini.

“Diņí wikwíroarigiáyí sopiņi Gorixo wóipi aría wiarigiárini.” uriņi nánirini.

5 “Ámá siwí sipí Gorixomi paimimí wiarigiá imóniņipimi xopirári wiarigiáyí giyírani?” miyaiwipani. Ámá “Jisaso niaíwí Gorixoyáoríani?” niyaiwiro diņí wikwíroarigiáyí anani xopirári wiarigiáyirini. 6 “Niaíwí Gorixoyáoríani?” oniaiwípoiņiri iniigíyo wayí meari niđeríná ragí puri eņo, ayí Jisasi Kiraisorini. O “Gorixomi xewaxoríani?” oniaiwípoiņiri náni neríná wayíni meaniņmani. E oniaiwípoiņiri wayí meari xegí ragí puri eņiniņini. 7 Gorixoyá kwíyípi niriríná nepáni ripaxípi eņagi náni negí xwioxíyo dáni áwaní réniņi nearariņipi, “Kiraiso apiaú neriņipimi dáni xewaniņo náni siwá neainiminiri eņipi, ayí neparini.” nearariņipi aría owianeyí. 8 Ayináni “Jisaso Gorixomi xewaxoríani?” yaiwiani náni sopiņi newariņi biaú bi, ayí ripiaú ripirini. Kwíyípi nearariņipi tíni iniigíyo wayí meariná imóniņipi tíni xegí ragí niपुरi péáná imóniņipi tíni biaú bi imóniņi apirini. Apiaú api sopiņi nineaoríná xegí bi xegí bi oyaiwípoiņiri neaíwapiyariņimani. Axípiņi oyaiwípoiņiri neaíwapiyariņirini. 9 Ámá pí pí náni sopiņi neaóípi anani aría wiarinwárini. Ayináni Gorixo sopiņi neaóípi seáyí e imóniņagi náni api eni aría owianeyini searariņini. Gorixo xewaniņo sopiņi neaóípi, ayí pípi náni maríái, ayí xegí xewaxo nánirini. 10 Gorixo xewaxomi diņí wikwíroarigiá giyí giyí o xegí xewaxo náni sopiņi wóipi wigí xwioxíyo dáni “Aga neparini.” yaiwiarigiárini. E neri aí Gorixomi diņí miwikwíroarigiáyí “O sopiņi neaóípi nepamani.” niyaiwiro náni réniņi urarigiárini, “Yapí rariņiyí woxirini.” urarigiárini. 11 Xwiyíá Gorixo sopiņi neaóípi, ayí ripirini. O diņi niyimiņi imóniņipi rixa neaiapiņirini. Diņi niyimiņi imóniņi api náni xegí xewaxo miki ikiņo eņagi náni 12 ámá xewaxo tíni kumixiniņi diņi niyimiņi imóniņi api tígiáyirini. E neri aí xewaxo tíni nawíni mikumixiniņi ayí diņi niyimiņi imóniņipi tígiáyimani.

Yoparípi nuriríná uriņi nánirini.

13 Nioni seyíné, Gorixo xewaxomi diņi wikwíroarigiáyíné “Nene diņi niyimiņi imóniņipi tínwaéneríani?” niyaiwiro niĵá imóniņipi

náni payí rina neari mónapariñini. ¹⁴Nene ripi nerane náni Gorixo siñwí aniñe dáni wará saríwá mimáriní newiárimóniri yariñwáriní. Xío e neaiñwiniginiri yariñí niwiranéná negí diñño dáni bi murí xío wimónariñipi tñi xixeni yariñí niwirane náni “Aríá xixeni nineainiñoi.” yaiwariñwáriní. ¹⁵“Omi yariñí niwiranéná pí pí náni yariñí wiarñwápi xixeni aríá nineainiñoi.” niyaiwirane nijíá e imóniñagwi náni diñí ripi eni “Negí yariñí wiarñwápi rixa neaimónini.” yaiwipaxírini. ¹⁶Ámá giyí giyí xexirímeáyí wo íwí aníñimixinía náni mimóniñí bi éagi niwiniro Gorixo yokwarimí owiiniri yariñí niwirónáyí, Gorixo wigí yariñí wííápi aríá niwiri íwí aníñimixinía náni mimóniñí bi éomi diñí niyimíñí imóniñípi uñwiráriníáriní. E niseariri aí íwí ámá aníñimixinipíría náni imóniñí bi eni weni. Nioni “Ámá íwí api éíáyo Gorixo yokwarimí owiiniri yariñí wííárixini.” misearariñini. ¹⁷Pí pí sipí ámá yariñíápi náni íwí yariñíápi imóniñagi aiwi nipini aníñimixinipíría náni mimóniñagi náni rariñini.

¹⁸Nene nijíá re imóniñwini, “Ámá Gorixo xegí timeaññiñí imóniñíáyí íwí néra waríñíámani. Gorixo emeanjo —Xewaxo náni rariñini. O ámá ayo pírániñí umeariñagi náni sipí imóniño wí xwíríá wikixeariñímani.” ¹⁹Nijíá re eni imóniñwini, “Ámá xwíá tíyo dání —Ayí Gorixomi diñí miwikwíroaríñíáyíriní. Ayí nñi sipí imóniñomi íñimi wuríñiñagiá aí nene ámá Gorixoyá imóniñwini.” ²⁰Ripi náni eni nijíá imóniñwini, “‘Ñwíá nepaxiñí imóniño, ayí Gorixoríani?’ waiwiani náni xegí xewaxo nene tíámini nibiríná o náni nijíá neaiapariñini. Nene rixa xegí xewaxo Jisasi Kiraiso tñi nawíni nimónirane náni xano, Ñwíá nepaxiñí imóniño tñi eni axípi nawíni imóniñwini. O eni Ñwíá aga nepaxiñí imóniñorini. Diñí niyimíñí tññwápi neaiapariño, ayí orini.” ²¹Gí niaíwípiayíné, nene nijíá e imóniñagwi náni ñwíá imóniñípiami diñí wikwíropíríxiniri sewaniñíyíné awíniñí meñweáníírixini.